

軍衛有司會官約問罪因不許托故延調例
成化九年四月十七日刑部尚書陸 等

題為罪因淹滯事山東清吏司案呈奉本部送刑科
抄出

欽差刑部郎中金文奉欽奉

勅諭前往南直隸審錄罪因見得軍衛有司見監罪因有
經歲不問者有二三年無招者有苦於久禁者雖欲
誣服無由出監者有同犯之人俱已監死而止
存一二人者有起內囚犯盡而卷終不明者興言
至此良可悲憫何也蓋緣人有軍民不相統轄其
軍衛有司衙門 於會官約問之難條以獨斷
存一事而會二三處官司者有一起而會五六處
官司者遠財十里之程近亦二三百里之路其所

委之官公正者少詐謀者多雖有約會之文移不
過虛詞往復巧於推避卒難有禁或朝至而暮速
或此來而彼往差委一不會問無其以致在監之
人累歲經年桎梏因繫不白而死者在在有之緣
前項例合會問之人多係應捕人員獲到強盜竊
盜私鹽人命等事或是偶然盤獲或被讐賊指供
鍛鍊之問搖楚之下雖有枉抑何由自明設要果
係應死重犯罪在不原者其死固無足恤其被人
誣陷積怨忿念枉死固固者豈能盡無若此之類
傷和召災誠不為小臣所審錄之處遇有此等又
禁不明因犯審証明白案令所司隨即決斷其事
果有難明必須勘問者止令約會附近官司勘問
發落外如蒙

准言乞

勅三法司會議合無通行在外軍衛有司衛門今後一應

軍民詞訟律合會官者不以拘具是否親受止會

附近一處衙門依律約問仍定立限期敢有逾限

不到事久完牢拘松出入人罪者重加黜罰求為

常典庶使官有警惧事易結絕日無枉死便益

為此具本順差百戶沈源貴俸該通使司官於

奉天門奏奉

聖旨法司知道欽此欽遵抄出送司查得

欽定憲綱內一款約官會問事犯有軍民相干詞訟等事

移大到日應該會問官員隨即前去若無故不即

會問及偏徇占恤者提監察御史按察司官推問

其應請

旨者具奏聞欽此欽遵外續該山東東昌府知府劉源
奉伏覲

大明律內一款凡軍人有犯人命管軍衛門約會有司檢
驗婦問若奸盜詐為戶婚田土闖毀吳民相干事務
必須一體約問欽此照得在外有粵南等處衛所公
差軍余到府其本府人民相犯干連欲行各該管衛
所委官會問動經十里之外因淹月久不得發落不
無淹延乞行各處軍衛有司但有軍余與民相犯者
不須行文該管竊遠衛所就於不係該管附近衛所
會官從公約問發落等因禮部會官議

奏通行遵中去後華役未經申明今郎中金文奏言前
因案呈到部參照審刑郎中金文奏言在外軍衛有
司衙門今後軍民詞訟律合會官者不必約其親管
止會附近一處衙門依律約問今查有會議事例合
准申明施行其言仍其定立限期敢有違限不到事
久不完符徇私出入人罪者重加點罰一節合遵奉
欽定憲綱條例听從各該巡按監察御史按察司分巡司
當常加督察所屬軍衛有司會問委官敢有仍前托
延調不便依期約問完結致有久禁不明枉死之弊
就便擊問應奉

請者奏

請提問者是地方廣闊一時巡歷不同亦要逐月行文稽
考酌量事情輕重嚴限完如仍違誤貴有所歸緣係
申明事例及奉

欽依法司知道事理未敢擅便具題日奉
聖旨是欽此